

10.05.2022թ

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 463012/09
ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 10.05.2022 թվականի թիվ 16204 վարչական իրավախախտման վերաբերյալ արձանագրությունը, քննելով թիվ _____ վարույթը և կից նյութերը,

ՊԱՐԶԵՑԻ

«ԽԵԼԱՑԻ ՄԱՍԻՍ» ՆՈՐԱՐԱՐՈՒԹՅԱՆ հիմնադրամի տնօրեն Աշոտ Բաղդասարյանը (ՀՎՀՀ՝ 04236714, Արարատի մարզ, գ. Մասիս, 4 փող. 92) «Հիմնադրամների մասին» ՀՀ օրենքի 39-րդ հոդվածով սահմանված ժամկետում, ՀՀ պետական եկամուտների կոմիտեի կողմից սահմանված ձևով, ներկայացման և հրապարակման սահմանված կարգով՝ թերի է հրապարակել 2021թ-ի գործունեության մասին հաշվետվությունը, **մասնավորապես հարկային մարմնում առկա տեղեկատվության համաձայն՝ հիմնադրամի կողմից կատարվել են ծախսեր, մինչդեռ հաշվետվության 12-րդ կետում բացակայում է դրա վերաբերյալ տեղեկատվությունը**, ինչի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169.18 հոդվածի 1-ին մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առկա չէ առարկություն կամ բացատրություն:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ «ԽԵԼԱՑԻ ՄԱՍԻՍ» ՆՈՐԱՐԱՐՈՒԹՅԱՆ հիմնադրամի տնօրեն Աշոտ Բաղդասարյանի կողմից 28.04.2022թ.-ին հրապարակվել է 2021թ-ի գործունեության մասին ճշգրտված հաշվետվությունը:

Հաշվի առնելով այն փաստը, որ 10.05.2022թ.-ի դրությամբ «ԽԵԼԱՑԻ ՄԱՍԻՍ» ՆՈՐԱՐԱՐՈՒԹՅԱՆ հիմնադրամի տնօրեն Աշոտ Բաղդասարյանի կողմից հրապարակվել է ճշգրտված հաշվետվությունը, ուստի արարքն ունի նվազ նշանակություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով,

ՈՐՈՇԵՑԻ

1. Աշոտ Բաղդասարյանին ազատել վարչական պատասխանատվությունից և հայտարարել քանավոր դիտողություն:
2. Աշոտ Բաղդասարյանի վերաբերյալ հարուցված թիվ _____ **վարչական վարույթը կարճել:**

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄԱՅՈՒԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: